

MBI SHPIRTIN E ERËS PAGANE

---

**ADEM ZAPLLUZHA**

# **MBI SHPIRTIN E ERËS PAGANE**

Redaktor:  
Prof.Prend Buzhala

Recensent:  
Prof. Prend Buzhala

Lektor:  
Veli Veliu

MBI SHPIRTIN E ERËS PAGANE

---

ADEM ZAPLLUZHA

# MBI SHPIRTIN E ERËS PAGANE

Shoqata e Shkrimtarëve  
“Fahri Fazliu”  
Kastriot, 2014



Prend BUZHALA

## AMËZA E PËRVOJËS POETIKE

*(Në vend të recensionit)*

Në shënimet bibliografike të poetit Adem Zaplluzha, shënohet se ky vëllim është i 108-ti me radhë! E çka mund të thotë lexuesi i rëndomtë, lexuesi i vlerësimit kritik, përballë një veprimtarie kaq të vëllimshme! Le të mësohemi të lexojmë e vlerësojmë: mund të shkruash një libër poetik e të ketë vlerë, si “Vargjet e lira” të Migjenit. Por ka plot autorë që kanë shkruar vetëm një vëllim poetik, e, megjithatë, nuk kanë bërë emër në letrat shqipe. Ka dhe autorë që kanë shkruar mbi njëqind vëllime (si Rifat Kukaj dhe Odhise Grillo) dhe që të dytë kanë krijuar emrat kulmorë në letërsinë për fëmijë. Ka dhe të tjerë autorë që arrijnë numrin treshifror të vëllimeve të botuara letrare, dhe të mos arrijnë cilësinë që kërkohet.

1.

Megjithatë, Adem Zaplluzha, në krahasim me disa autorë të ngjashëm, ka një fat tjetër krijues. Në radhë të parë, ka përvojën e gjatë krijuese. Nëse rrugën letrare e nisi me vjershën e parë për fëmijë, e ka botuar në revistën “Pionieri” të Prishtinës më 1957; nëse librin e parë poetik “Puthje ia botoi

“Rilindja” e Prishtinës më 1974, do të kalojnë, mandej, edhe më shumë se njëzet vjet deri te botimi i librit të dytë, diku më 1995 (“Ecjet e viteve të mëdha”, poezi, “Jeta e Re”, Prishtinë 1995), kur shprishen rrathët e ndalimeve shtetërore pushtuese serbe mbi botimin e librave shqip. Deri në vitin 2009 ka arritur të botojë 14 tituj veprash, kurse shpërthimet e këtyre botimeve ndodhin prej vitit 2012 e deri këtë vit, më 2014! Për kaq kohë, ai botoi edhe 94 vëllime! Poeti, në këtë moshë të shtyrë krijuese, është i pandalshëm. Po e përjeton renesancën e tij shpërthyesë krijuese.

Vëllimi i fundit “Mbi shpirtin e erës pagane” dëshmon disa fakte: jo vetëm sasinë e këtyre botimeve, por edhe amëzat poetike të përvojës së tij të gjatë krijuese, nga njëra anë, si dhe lirizmin e tij karakteristik, refleksiv intim, tematizues dhe metaforizues, nga ana tjetër. Zëri lirik, Uni poetik, e ka parasysh se e tërë bota përreth tij është motivi i tij i jashtëm, kurse tensionet midis të jashtëmës e të brendshmes shfaqen në relacionet Unë/Bota, Unë/Jeta, Unë/Ekzistimi...

Dikur Aristoteli i urtë shkruante katarzën, për ndikimin e fjalës artistike në ndjenjat dhe në psikikën e njeriut, një si spastrim i posaçëm të emocioneve që provokon a nxit tragjedia. Edhe fjala artistike e poezisë lirike, përbën një moment tejet të rëndësishëm të identifikimit emocional, që ndikon pozitivisht në këtë drejtim. Së këndejmi,

kështu le ta kuptojmë edhe këtë dëshirë të zjarretë poetit për të shkruar së më shumë poezi, për ta shquar sa më shumë nevojën e shkrimit si transformim të brendshëm shpirtëror, për ta mbajtur në këmbë duke pasuruar shpirtërisht qenien njerëzore, qoftë edhe si ngushëllim fjalësh të bukura, kundruall situatave të ethshme psiko-sociale. Brengat ekzistenciale, humbjet e shumta në jetë, vetmia moderne, frika e ankthi (*"Kur qante vjeshta/ E ngarkuar me ankthe"*) - janë tema e motove të shpeshta edhe të artit poetik dhe në to e gjen veten edhe lexuesi i kësaj kohe (*"Në shpirtin tim të ngrirë/ Po bie nga pak shi i mykur"* këndon poeti tek poezia *"Pas një ëndrrë fjalësh"*). Të komunikosh me sa më shumë qenie të tilla poetikisht, me artin e thënies së bukur, të ndjesh njësoj si të tjerët, a nuk do të thotë kjo se lexuesi i tillë e njeh vetveten në përvojat, emocionet, observimet e krijuesit? E pra, libri është urë emocionale e shpirtërore me lexuesin vetmitar, bashkëkohor, jo thjesht vetëm për shkak të halleve të përbashkëta, por edhe për nxitjen e së bukurës e të përjetimit estetik të së bukurës në art e në jetë. Prandaj Fjala i bashkon e lidh njerëzit... dhe e arrin efektin e saj spastrues, prej katarze... nuk është e habitshme, prandaj, pse Adem Zaplluzha e thur atuopoetikën dhe poetikën e tillë nëpër vargje. Dhe jo vetëm tek titujt e disa poezive, por edhe në disa tituj veprash poetike,, të botuara më parë, *ffjala* qëndron në thjerrëzën e nocionit të kënduar lirik.

Madje, cikli ballor i librit mban titullin “*Posa gjej një fjalë*”. Fjala merr barrë të kuintesencës poetike, të vetë-komentimit, të metapoezisë:

*Posa gjej një fjalë  
Shaloj trenin e mendimeve  
Dhe dal ngadalë në udhë  
Si petalet e trëndafilit  
Merr krah vargu i bardhë*

Poetizimi i fjalës është thelbi i kësaj lirike. Hyrja e kësaj poezie, i ngjet mitit të muzës a grishjes së saj, posi te poetët tanë të traditës (De Rada thërret pëllumbin e Anakreontit, Naimi thërret engjëllin e urtësisë, Fishta zanat mitike shqiptare...), kurse poeti thërret fjalën, kujtesën, muzat... kalin pegasian që e befasonte gjetjet e kësaj aventure poetike të shkrimit të librave (“*Më pret befasia/ Një kalë i bardh/ Vrapon nëpër furtunën e zezë*”). Kryeneçësia e vargut kërkon gjakimin e brendshëm, shpirtëror, por edhe fashitjen, zbutjen, thjesht shkarkimin prej katarze. Fjala ka plasaritjet e saj të brendshme, ajo në poezi shfaqet për të emërtuar fenomene vrastare të jetës, prandaj ekzistojnë edhe “*fjalë plumbash*”, por fjala ka edhe thellësitë e saj (“*Dëgjohej nga thellësia e një fjale*”). Ndodh që komunikimi të mos arrijë të vërë dialog me lexuesin e kjo përbën gjendjen më të rëndë të krijuesit (“*Humbësit po kalojnë të humbur rrugëve*”).



*Sillen vërdallë... Askush nuk ua vuri veshin/ Fjalëve të mia”). Ndodh që kujtesa e rëndë historike të zgjohet me pezëm, pikërisht për shembjet e identitetit tonë, temë që del e shpeshtë te këto poezi:*

*Shoqja ime dhe unë  
Pamë në Shqipëri duke vdekur një pemë  
Rrënjët e ullirit në kalanë e Krujës*

Prandaj, edhe ndërtimi i komunikimit me të tjerët, me empatinë e emocioneve, me bashkëndjesinë, përbën vlerën tjetër të këtij arti

*Zëri yt si zëri i erës më vjen në ëndërr(...)  
Si fjala e harruar rilind  
Nga thellësia e tokës (...)  
Unë do të të pres diku në vetëdijen time (...)  
Bëhem erë te një muzikë  
E të presë në zhgjëndrrën time*

Zgjidhimi ndodh në momentet e situatave ekstreme ekzistenciale, kur gjakojmë t’i gjejmë fjalët më të goditura, të depërtojmë në zemrën e qenies njerëzore, për ta spikatur ndjesinë e dashurisë, mendimin pozitiv, transformimin shpirtëror (“Ashti im/ Do të konvertohet në dashuri”); poeti gjakon, gjithsesi, të depërtoj dhe në thelbin e gjërave, realiteteve, dilemave, çështjeve, dhimbjeve...

## 2. Shumësia kuptimore/ vlera polisemike e figurës së erës

Në dy librat e fundit shfaqet edhe simbolika e erës, e cila, semantikisht, popullon titujt e disa poezive (si "Mbi shpirtin e erës pagane", "Zërat e shthurura të erës", "Ajo vetë u shndërrua në erë", "Trajta asnjënëse e erës") por u jep ngjyrim stilistik e semantik edhe shumë vargjeve e shumë poezive të tjera. Ajo ka perspektiva të shumta këndimi të raporteve në mes njeriut dhe realitetit, folësit lirik dhe situatave emocionale, metaforizimeve të këtyre situatave dhe shënjimit të botës së ideve:

Këtu çdo gjë po vdes ngadalë

Si shpirti im i vrarë në erë

(...)

Që ta ngushëlloj trishtimin e erës

Si këmbët e erës po lëkundet dheu

Po dridhen drurët

(...)

Askush nuk i besonte fjalëve të erës

(...)

Dal në rrugë dhe vrapoj me drurët

Vrapoj deri sa e zë etja e erës

Era herë është kapricioze, e pathyeshme, e ndryshueshme, e herë me praninë e saj të pastër, amorse, të padukshme, pa pamje.

Metaforat kanë hequr dorë  
Nga kashelashat  
Trajta asnjëse e erës  
Bisedon me boçat e këputura të pishave

Madje, përpjekja krijuese këmbëngul ta zë atë në  
elementin e saj të vërtetë, në bukurinë e shfaqjes së  
saj, në kuptimet e logjikën e saj të pakapshme. Ajo  
nuk ka një imazh statik, pikërisht për shkak se  
elementi i saj është kaotik, shumë drejtimesh, herë  
erë e mirë e herë e keqe, e shthurur apo  
përkëdhelëse, me tipare të çrregullta, sado që  
autori përpiqet ta zë imazhin e saj, së paku një çast  
ndalimi të saj:

Mbi shpirtin e erës pagane  
Galopuan vetëtimat e ndezura

ose, kur dëshiron ta shquajë idenë e situatave  
labirinte historike:

Këto trajta të erës  
Që duken si sy katrore në pasqyrë  
Para njëqind vjetëve  
Ishin të rrumbullakëta si rruzaret e gjyshe

Era është e lashtë, e virgjër, pagane. nga amorge  
pothuajse dhe hyjnore. Së këndejmi, kuptimet saj  
mund të konkretizohen sipas gjendjeve a situatave  
intime, po edhe atyre të jashtme, sipas kontekstit të

ngjarjeve natyrore, por edhe historike (LESZEK MAŁCZAK), do të thotë, kanë edhe kuptimin e tyre sacrum, edhe kuptimin profanum. A nuk është era ajo që vë në lëvizje forcat e natyrës, madje dhe vetë qenien e njeriut dhe... për të mos thënë se e vë në lëvizje botën hyjnore, autori na e thotë me eufemizëm se kjo është një erë pagane që vë në lëvizje botën. Nga kjo perspektivë këndimi, kundrohet edhe e kaluara jonë, me theqafje e ngritje, me fatkeqësi të shumta e me fuqinë energjike të rezistimit... me kaq shumë trajta e forma ende të padefinuara:

Në portretin e erës  
I shoh asociacionet e lotëve  
(...)  
Shpirti i kalbur i mesjetës  
Sërish zuri të vrapoj si era  
(...)  
I vështrojë thellësitë e syve të erës  
Pas pasqyrës së vjetër  
Fshihen tufanet e shekujve

E pra, kjo figurë ngërthen ambivalencën e saj, larushinë e saj kuptimore, situatën kontekstuale. Ajo ka forcë destruktive (stuhi e furtunë që përlan e shkatërron, që sjell edhe vdekje, dhe ka shenjën e saj të mërzisë e të situatës së luhatshme ) e shoqëruar shpesh e shpesh nga shiu, si figurë paralele; ka frymë freskuese, që sjell freski mendjeje e lehtësim trupi, kënaqësi përjetimi,

shpesh dhe me funksion krijues e shpëtimtar. Edhe te vargjet e Zaplluzhës, kund e kund, ajo shënjon karakterin kalimtar të jetës, përkohshmërinë, boshllëkun, topitjen mendore e shpirtërore, tutje edhe shuarjen, zhdukjen, ndryshueshmërinë, rilindjen e brendshme, po edhe çmendurinë, nganjëherë frymëzimin dhe dhurimin e frymës hyjnore. Ndodh mu ashtu si personifikimet e saj që ndodhin për “katër ernat” tek versetet e biblike apo tek vargjet homerike (shih “*A Dictionary of Literary Symbols*” nga Michael Ferber, Second edition, Cambridge University Press, 2007), ku konfliktet, tensionet, luftërat, përcillen me stuhi, e erëra, kurse engjëj e forca të mbinatyrshme vijnë në këtë botë me krahët e erës. Erërat e forta dhe stuhitë, shpesh simbolizojnë emocionet e vrullshme dhe botën e pasioneve. Së këndejmi, ndonjë varg, a titull poezie, na kujton ndonjë film a vepër me tematikë të ngjashme (për shembull filmin “Fluturoi bashkë me erën”), ashtu sikundër t’i kujton edhe erërat si bashkëpjesëmarrëse në legendat a mitet antike të frytnimit, lindjes, plleshmërisë etj, kurse te Zaplluzha marrin karakter arkaizues, një si zgjim i kodeve arketipore të shpirtit etnik.

### 3. Shkrimi si akt i shenjtë krijimi

Shkrimi përbën aktin e shenjtë të krijimit, mu atëherë kur poeti kërkon që fjalët e shqipes, me anë të alkimisë krijuese, që të gjitha, të “shndërrohen në poezi”. Nëse shkrimtarët kanë qenë e janë gjithnjë

ata lexuesit idealë e idealistë, të etur për dije e me besim për ta ndryshuar jetën, atëherë hapja e librit përbën një akt të shenjtë. E krijuesit asgjë më shumë nuk kërkojnë se sa që të respektohet ky akt i shenjtë.

*Prend Buzhala*  
*17, Prill 2014*

*Posa gjej një fjalë*





## PASQYRA S'PO MË ZË

Kur shikimet e tua  
Depërtojnë në thellësinë time  
I hapi dritaret e mendjes  
Dhe shikoj  
Shikoj tej ujërave detin  
Se si dridhet në largësi

Shkunden mendimet  
Si mollët shkunden stinët  
Një kalë i zi  
I ka kafshuar mëgojëzat  
Dhe s'ka më  
Kush mund ta ndalë vrapin e erës

Nëse shikoj pasqyrën  
Nuk di kë mund ta shoh  
Në brendinë e saj  
Të paskajë  
Njeriun që nuk njoh  
Ose vetveten time  
Që ka dalë andej udhës

Kush është ai atje  
Në atë kornizë të mykur  
Të kujt janë këto duar  
Që po m'i krehin flokët  
Si kalamajtë e lazduar  
Për një çamçakëz  
Qan një njeri

Këtu jashtë mureve  
S'po kam vend se ku të rri  
Pasqyra s'po më zë  
Vaj halli i ditës së verbët  
Një nga një  
Po i largohen zogjtë e fëmijërisë

## **POSA GJEJ NJË FJALË**

Posa gjej një fjalë  
Shaloj trenin e mendimeve  
Dhe dal ngadalë në udhë  
Si petalet e trëndafilit  
Merr krah vargu i bardhë

Posa e gjej një fjalë  
Diku në qoshe të dhomës  
Më pret befasia  
Një kalë i bardhë  
Vrapon nëpër furtunën e zezë

Vrapojnë mendimet nëpër eter  
I zbresin yjet e kaltra  
Nga degët e kujtesës  
Dhe tok fjalët e tjera të gjuhës shqipe  
Shndërrohen në poezi

Posa e gjej një fjalë  
Ulem këmbëkryq  
Në prushin e shpirtit të zhuritur  
Dhe i thërras muzat në ndihmë  
Që t'i japin fund vargut tim kryeneç

## **PAS NJË ËNDRRE FJALËSH**

Me një grusht silueta gjethesh  
Dhe pallton kallkan  
Kalojmë si të dehurit rrugëve  
Me xhelozë na shikojnë  
Dritaret e mbyllura  
Asnjë njeri përtej xhamave të errëta

Në shpirtin tim të ngrirë  
Po bie nga pak shi i mykur  
Ullukut kanë ikur nga vetmia e çatisë  
Te plepat e kujtesës  
Rendim si zogjtë e egër  
Pas një ëndrre fjalësh

Nuk di a është dimër  
Ose dimri na shikon nga malet  
Kam të ftohtë  
Po ngrihen qerpikët e mjegullave  
ky acar që banon me vetminë e pritjes  
Pjalmon një lloj shtreze që po na e zë frymën

## HËNA

Nga ngjyrat e tejdukshme e ujit  
Përhëndesin mjellmat e zeza  
Hëna me flokë të shprishura  
Bredh nëpër udhët  
E tragjedive antike

Kjo kornizë e zbrazët  
Në shpirtin e saj po i mëkon  
Merimangat e zeza  
Nata lakuriqe kalon e shpërfillur  
Asnjë flutur mbi këto kangjella  
Nuk e fsheh shqetësimin

ky shi i marsit nuk di të ndalet  
Mbase të gjitha marset kanë një emër  
Ullukët e vjetër të shtëpive zgërdheshen  
Ky shi i acartë  
Që po bie mbi gjethe  
Pamëshirshëm i lagë ninullat  
Në djepin e përgjumur të lashtësisë

## KY MËNGJES I LODHUR

Nuk jam mësuar kështu  
Të mos më përshëndesin drurët  
Sa shumë më ofendojnë gjethet  
Kur kaloj pranë tyre dhe janë indiferente

Ky mëngjes i malaksuar  
Më çudit se si e la natën të largohet  
Një mizë e bezdisshme mbi tavolinë  
Tinëzisht po i shqyen gazetatat

Asnjë zë s'dëgjohet nëpër mëhallë  
Vetëm heshtja lakuriqe  
I injoron zërat e rrënjëve  
Një fyell i harruar zgjohet te kallamishtet

Posa i hapa sytë i pash degët e thyera  
Thyhej edhe stina nën rrënjët e barit  
Kjo kohë e pakohë paska zënë myk  
Mbi çatinë e një kujtese lehin mjegullat

## **PRANVERA NUK DUKEJ ASKUND**

Ishte dita e dhjetë e vjeshtës  
Një kohë e mugtë  
Herë vinin e herë iknin shirat  
Një re e dyshimtë sillej vërdallë qiellit

Zogjtë shtegtarë s'dukeshin askund  
Mbase i kishin nuhatur  
Ndryshimet atmosferike  
Dhe ishin larguar shumë më herët  
Se sa që shpërtheu furtuna

Nëpër binarë kryqëzohen trenat  
E çmendur dhe pa itinerar  
Një njeri me një pallto të akullt  
I përngjante kallkanëve  
Nëpër çatitë e qytetit mjaullinin macet

Ditët e ngarkuara me shtërzim  
Vuanin nga ethet e zeza  
Në maja të pemëve  
Dimri i mprehte dhëmbët

Pranvera nuk dukej askund  
Vetëm një acar i tërbuar  
Bredhte si një këlysh i braktisur  
Përreth pemës së shpresës

## NËSE

Përreth nesh gjërat sa ora ndryshojnë  
Pema shndërrohet në njeri  
Kurse njeriu në një pemë pa fryte

Posa deshëm të ecim  
Një dorë pas shpine i lidhi në pranga  
Ëndrrat e ecjeve tona

Si të reshurat ndryshojnë stinët  
Nata bëhet ditë  
Kurse dita ecën në drejtim të natës

Njerëzit pësojnë disa lloje frakturash  
Prej një cope mishi njerëzit  
Shndërrohemi në një copë ashti

Kështu që nëse mbërrimë në maja  
Pa e arritur qëllimin  
Rrokullisemi deri në asgjësim të dështimit

*Prishtinë, 13 mars 2014*



## DHE PASHË NJË ËNDËRR

Ti më tha se dole nga dimri  
Por unë kuptova se ishte vjeshtë  
Një ditë e zakonshme  
Ku pranë shirave të baltosura  
Nuk mejnë vajet e erës

Mbase ishte një dimër tjetër  
Që pështillej si qefini  
Përreth drurit të shpresës  
Dimri që përherë na vinte  
Vetëm me ulërimat

Si njerëzit e verbër ecnin drutë  
Një gërnetë vajtonte së fëmijë  
Zëri i acarit dukej se rritej  
Rritej befasia  
Me tërë peshën e dallgëve

Ti më tha se dole nga dimri  
Kurse unë posa hyra në dimër  
Dhe pash një ëndërr  
Se si kallkanët çelin lule  
Në shpirtin e ngrirë të natës

## NË DHOMËN E KUJTESËS

Mbaje zogun tënd në shpirt  
Mbaje si testamentin e ndërgjegjes  
Derisa kalon  
Nëpër gjumin e brishtë të lumit  
Mendimi yt lakuriq

Ti nuk je i vetëm sonte  
Me ty janë mallkimet e zogjve  
Nëse të lagen mendimet  
Si gujavat me pika  
Plasariten muret e fjalëve

Kur je pranë ujëvarës  
Mos guxo  
Të marrësh frymë lumi im  
Mbrëmë u çmendën dallgët  
Gati se s'vdiqa nga frika

Një lloj myku ka zënë koka ime  
Në dhomën e kujtesës  
I ka humbur mendimet  
Dhe si një zog i zi i fëmijërisë  
Po qanë mbi disa degë të brishta

## **NJË ZOG NATE**

Mbi tavolinë një pjatë e vjetër  
Me disa lugë druri  
Presin ndonjë mysafir të paftuar  
Nata i përngjan pallamarëve  
Si anijet e fundosura  
Përkundet vetmia

I kam lënë të hapura të gjitha dyert  
As dritaret  
Nuk janë të mbyllura  
Sonte s'troket njeri i gjallë  
Vetëm heshtja si sterra kalon  
Në ullukët e çatisë

Asnjë njeri në horizont  
Si të dehurit bredhin yjet  
Një meteor endacak  
Bie diku mbi pemë  
Një zog nate  
Me një trëndafil në sqep  
Pret mëngjesin që akoma s'është nisur

## **SHIRAT E NJË VJESHTE**

Nga turpi  
Vrava vetveten time  
S'patë njeri as zog nate  
Që ta ngushëlloj trishtimin e erës

Nuk qava  
Më ikën lotët si zogjtë  
Mbi telat e ndryshkura të kujtesës  
Si një kitarë tringëllijnë shirat e një vjeshte

## **ATDHEU PO VDES**

Më ngufasin këto qeska najloni  
Më ngufasin kontejnerët e ngarkuar  
Me horrlëqet e kohës  
Mbi trupin e dërmuar të atdheut  
Një nënë te plehurat  
E prera bisedon  
Me bastunin e trishtuar të gjyshit

Nëpër qoshe të rrugicave  
Ecin shiringat  
Kjo valle e paparë e zuzarëve  
Nuk paska të ndalur  
Në duart e kukullave të drunjte  
Rrinë varur prezervativët

Një jetë e shthurur  
Për së mbrapshti e ka përfshirë  
Shpirtin e kombit  
Gratë me gjysmë barku jashtë  
Reklamojnë kërthizën  
Nga e cila si rrëshira  
Çurgon gjaku i mpiksur i ditës

2.

Atdheu po vdes  
Po vdes ngadalë  
Mbi qivurin e ndotur të ditës  
Merr frymë  
Shtërzimi i së keqes

Kukuvajkat fluturojnë  
Me nga një qefin të zi në qafë  
Të zezë si sterra  
Janë parathëniet e drurëve  
Këndeje pari më  
Nuk fluturojnë as çafkat e liga

Thashë se atdheu po vdes  
Nëpër rrugët e qytetit kundërmojnë  
Macet e zgjebosura  
As telat e telefonit nuk marrin frymë  
Këtu çdo gjë po vdes ngadalë  
Si shpirti im i vrarë në erë

## **NJË DËNESJE E PAKONTROLLUAR**

Pranë një arkivoli  
Atdheu qante si një kërthi  
Asnjë hije e vdekur nuk rritej  
Nëpër vazot  
E lirikave të trishtuara

Pemët qanin fatin e një guri  
I cili rrokullisej  
Rrokullisej teposhtë si shpirti i Sizifit  
Më pastaj  
Erdhën disa njerëz të huaj  
Dhe i fshehën në arkivol  
Flokët e gështenjta të ditës

Një dënesje e pakontrolluar  
Dëgjohej nga thellësia e një fjale  
Plepat si të gurëzuar  
Përjetuan fatin e gjetheve  
Kur qante vjeshta  
E ngarkuar me ankthe

Nuk pashë rrugëdalje tjetër  
Përpos të eci deri në fund të burimit  
Shtambat e thyera te kroi  
Edhe kësaj here mbetën  
Nën trishtimin e kornizës së pritjes

## KËTU TË GJALLËT JANË TË VDEKUR

Jemi njerëz  
Ose mos po i përngjajmë bishave  
Si nëpër lëkurën  
E ndonjë bualli të egër  
Po shkelim mbi plagët e atdheut

Si këmbët e erës po lëkundet dheu  
Po dridhen drurët  
Nën rrënjët e rrapit  
Një tërmet prej qindra shkallësh  
Po përjetojnë  
Shpirtrat e të vdekurve

Këtu të gjallët janë të vdekur  
Kurse të vdekurit  
Po ringjallen nga legjendat  
Mbase njeriu i një tjetër kohe  
Ka zbritur  
Nëpër udhët e dyndjeve të qiejve

Shiu i sertë po zbret me sterrën  
Hukama e mjegullave  
S'ndalet në asnjë kep  
Një spirancë e ankoruar në kujtesë  
Bisedon me dallgët  
Që dalin nga ofshamat e detit



## SHIU DHE XHAMAT E DRURËVE

Të thash se duart tona nuk janë lodra  
Ti mbaje një gur fati nën sqetulla  
Mbase ishte dimër  
Stuhia frynte  
Nëpër udhët e memories

Askush nuk i besonte fjalëve të erës  
Vetëm shirat e pasdites  
Ishin dëshmitarë  
Kur një qukapik rrihte drurin  
Me tërë forcën e sqepit të thyer

Si në teatër filluan të lëvizin degët  
U hapën perdet e mbyllura  
Të mjegullave  
Një shi i përhitur gjatë tërë kohës  
Rrihte nëpër xhamat e thyera të drurëve

S'ndalet era e as furtuna  
Ky kor antik  
I gjetheve të fishkura  
Fërshëllen një melodi të harruar  
Dhe i fshinë djersët e ngrohta të gjelbërimit

## DIKUR VONË KAH MBRËMJA

Sa herë që hyj në dhomë  
Një dritare trekëndëshe  
E gjej përherë të mbyllur

Janë të mbyllura edhe të gjitha portat  
Vazot më shikojnë me habi  
Nga tavani si rrëshira  
Pikojnë çarçafët e mykur

Për çdo menatë i laj sytë  
Me vesën e vonuar të gjelbërimit  
Nën pemët e pjekura  
I shkundi të gjitha problemet e ditës

Dhe fillikat vetëm  
Ha kafjallin e së nesërmes  
Kur dalë në rrugë  
Udhëtoj deri në Jug  
Tok me shirat e mesditës

Dikur vonë kah mbrëmja  
Kur zgjohen serenatat e përgjumura  
Nëpër rrugicat e ngushta të Korçës  
Si fluturat e bardha  
Dalin kopshteve të verdha vashat

2.

Dalin dhe me nalla prej druri  
Të ngjyrosura  
Me ngjyra të gjalla  
Vrapojnë derisa i zënë  
Meteorët pa rënë në tokë

Mëngjeset i presin si përherë  
Duke i shkundur fustanet  
Për ndonjë copë mjegulle

Më pastaj kur dielli  
Ia jep bregut  
Pemët i lyejnë  
Buzët e njoma të degëve  
Me ngjyrat më të bukura të dashurisë

## **KUR KAFEJA FTOHET**

Kur dal në kafene  
Dal vetëm t'i shfletoj gazetat  
Era i mbyllë të gjitha dritaret  
Asnjë mushkonjë e zezë  
Nuk fluturon përreth tavolinave

Pas dy a tre orëve kur kafeja ftohet  
Ia kthej shpinën diellit  
Dhe duke i përtypur germat  
Më zë gjumi  
Kur më shkund kamerieri  
Lehtazi për shpatulla  
Kuptoj se ka ikur edhe një ditë

Fare mirë e vërej ardhur mbrëmjes  
Me të gjitha mëkatet e ditës  
Ndrydhi gazetën  
Dhe në qoshe i hedh në kontejner  
Kronikat e zeza  
Duke u uruar zogjve të natës  
Një gjumë pa makthe dhe pa ëndrra

*Prishtinë, 14 mars 2014*

## **UJQËRIT SHNDËRROHEN NË QENGJA**

Më duket se këto fjalë u gjetën sot  
Dje nuk ekzistonin në fjalorin e njeriut  
Fjalë që sa herë zgjohen  
Vrasin nga një flutur  
Mbi gjethet e njoma të stinës

Sivjet koha e të mbjellave  
Ka përfunduar shumë më herët  
Te sinorët po mbinë fjalë plumbash  
Njerëzit kanë hyrë në lëkurën e qengjit  
Dhe ulërin si ujqërit

Ndërgjegjja në metastazë  
Në shpirtin e njeriut të sotëm  
Mjaullin macet e egra  
Shih në shëtitore  
Një njeri ndezi qiriun e zi  
Për shpirtin e një vetëvrasësi

Dimri sivjet filloi më herët  
Çatitë i zuri në befasi një stinë e egër  
Pjalmon ironia njerëzore  
Ujqërit shndërrohen në qengja  
Kurse qengjat në ujqër

## SI NË KOHËRAT E BALADAVE

Përtej këtyre mureve të mykura  
Bota po ecën në disa drejtime  
Në dhomën time të vogël  
Është ndalë ora  
Asnjë zukatje mize  
Nuk mund ta prish qetësinë e monotonisë

Me një gotë qumësht dhie  
Shuaj etjen e pangopësisë së ditës  
Muret ngushtohen  
Skajshëm ngushtohet ecja e kohës  
Nëpër tehun e topitur të xhadesë  
Vrapojnë devetë e shkretëtirës

Një arabaxhi i vonuar  
Mbase është nisur  
Në një rrugë të largët  
Nga mesi i shekullit të kaluar  
Dhe ka mbetur diku në mes të udhës

Si çdo herë degët e rrapit  
E kanë marrë për dore një këngë  
Të vjetër maje krahu  
Si në kohërat e baladave  
kanë dalë zanat te kroi  
Dhe i mëkojnë legjendat për Mujin

## NUK NDALEJ AS VALSI I LUGËVE

Në dhomën time  
Mbrëmë mungonin çarçafët  
Gjumi im kishte marrë arratinë  
Karriget e vjetra  
Gjendeshin jashtë hapësirës  
Ku darkojnë hijet e përgjumura

Si të sëmurët psikikë  
Shëtisnin disa lloje gazetash  
Mbi dyshtemenë e papastër  
Një çrregullim i paparë  
Nga një këndvështrimin e një ikone  
Dukeshin se si zvogëlohen muret

Nuk ndalej as valsi i lugëve  
Pjatat thyheshin  
Mbi kokën e një mushkonje  
Këto pamje surrealistike  
Mund të shihen si dikur  
Vetëm në pikturat zbehura të shekujve  
Të përzënë nga loja prej kohe

## **DRURI I VJETËR**

Ndonjëherë në jetë  
Kemi halle të pafundme  
Pa e parë krimbin në brendinë e mollës  
Kafshojmë lëvoren e trungut

Nuk na bezdis aroma e barit të fishkur  
Shqisat tona  
I ngarkojmë me gjethet e kalbura  
Dhe bredhim si turtujt pa kokë  
Nëpër labirintin që e thurim vetë

Nuk prishë punë nëse i lajmë sytë  
Me djersën e barit të gurtë  
Druri i vjetër  
Kurrresi nuk i beson metafizikës  
Befasisht nga rrënjët shpërthejnë  
Lulet e buzëqeshura të shirave



## SA GROTESKË JANË ENDACAKËT

Stinët janë gjithmonë të njëjta  
Të ngarkuara me zërat e bujqve  
Deri sa piquej kallami  
Era këndonte një bluz parahistorik

Thashë gjithmonë stinët i përngjajnë  
Njëra-tjetrës  
Vijnë me një grotesk të paparë  
U përngjajnë të varfërve  
Kur këndojnë serenata në çatitë e rrënuara

Askush nuk ua vuri veshin  
Fjalëve të mia  
Si fëmijët çamarrok imitonin zërin e erës  
Binte edhe shi nga pak  
Binte mbi metaforat e lodhura të ditës  
Lageshin flokët e njerëzve  
Kur fërshëllenin furtunat rrugicave

Humbësit po kalojnë të humbur rrugëve  
Sillen vërdallë  
Si zogjtë e qyqes  
Nëpër çerdhet e lënë nga të tjerët  
Sa grotesk janë endacakët  
Kur flenë nën urat e qytetit të Lumëbardhit

## **ECIM ZBATHUR RRUGËVE**

Disa gjëra që i bëjmë  
Nuk janë pjellë e mendjemadhësisë  
Por thjeshtë  
Ecim zbathur rrugëve  
Për t'i mbrojtur sandalet nga shiu

Kur luajmë top këmbë  
Çorapet i fshehim nëpër xhepa  
Kështu që  
Kursejmë ndonjë qindarkë  
Për të nesërmen  
Të mos ankohen këpucët  
Duke ecur rrugëve të baltosura

Sa herë që kalojmë pranë shitores së kasapit  
Mbyllim njërin sy me kapelë  
Duke i marr erë bukëve  
Që kanë aromë gruri  
Shkojmë deri te dyqani  
I gjërave antike  
Ku shiten gjërat e së kaluarës  
Dhe të qeshurat e së nesërmes

*Mbi shpirtin e erës pagane*



## SI MUND TË SHKOJ ATJE

Vonë kuptova  
Këtu nuk paskam më vend  
Tej mase më është zvogëluar kapela  
S'po më zënë pantallonat  
Atdheu është shumë larg  
Si mund të shkoj atje

Mbase po më bezdisin mizat  
Ky metropol  
Po m'i bluan mendimet  
Përherë mendoj  
Si të shkoj në atdhe  
Kur nuk më njeh askush atje

Trokas në shpirtin e së kaluarës  
Kurrsesi të hapen  
Porta të mbyllura të fëmijërisë  
Në këtë dhomë të huaj  
Po shkyçen dritat  
Si mund të jetohet në sterrë

Pëllumbit tim prej argjile  
Iu janë thyer të dy krahët  
Ju lutem miqtë e mi  
Ma tregoni udhën  
Se si mund të mbërri në atdhe

## **QANTE EDHE NËNA IME**

Nuk di  
Se si mund të na kuptojnë njerëzit  
Por sytë e nënave tona  
Në thellësi i fshehin  
Sinonimet e lotëve

Sa herë që i shikoja sytë e gjyshes  
Shihja se si qanin dy dete të kaltra  
Qanin lulet  
Me trishtimin e një peme  
Sa që gjethet i përngjanin lotëve

Qante edhe nëna ime  
Si të gjitha nënat e Kosovës  
Sa herë që kam etje të madhe  
Në portretin e erës  
I shoh asociacionet e lotëve

## **DIELLI**

Në të çarët e një shalqiri  
Një dorë e uruar  
I mbolli yjet

Dielli u bë dritë  
Kurse drita një tjetër diell  
Si syri magjik shndriti atdheu im

## **NJË SHI I NGROHTË**

Më mbërthyen merimangat e zeza  
Për një dru më gozhduan hijet  
Në trishtimin e Golgotës  
Nata ishte  
Më e gjatë se jeta

Një grua i shkulte flokët  
Kurse tjetra i shtrydhte gjinjtë  
Mëkonte diellin  
Guri i murrinë i qëndresës  
Nuk lëshon asnjë gjëmë njeriu

Një dru prej abanozi  
Si një njeri i shenjtë  
I kishte hapur horizontalisht krahët  
I kishte hapur sytë si dy dete  
Që s'lëshojnë pikë loti

I mbërthyer për një dru  
Qëndronte ndërgjegjja njerëzore  
Qante rrapi si një fëmijë  
Një shi i ngrohtë nga palca e kurrizit  
Pikonte mbi drurin që s'lakohej



## MBI SHPIRTIN E ERËS PAGANE

Nga zëri im  
Si pasione të papërmbajtura  
Dolën zogjtë e bardhë  
Mbi shpirtin e erës pagane  
Galopuan vetëtimat e ndezura

Qielli fluturoi lartësive të kaltra  
Pëllumbat prej argjile  
Shpërthyen horizonteve  
Nga gujava dolën në dritë  
Mëllenjat e kristalta të shpresës

Kalorësit e lirisë  
I kishin shaluar mjegullat  
Nën patkonjtë e argjendte  
Si xixa shpresash i pamë vetëtimat  
Se si shkrepnin  
nga mëgojëzat e arta  
Të kuajve të luftës

## I MËKONTE XIXËLLONJAT

Ëndrra ime  
Mbrëmë lozte me ëndrrën tënde  
Nëpër damar  
Nuk ndalej vrapi i kalorësve  
Unë e hoqa kapelën  
Ti e zhveshe njomësinë e lëkurës

Nën çarçafët e mëndafshtë  
Nuk dëgjohej frymëmarrja  
E ajrit të ngrohtë  
Një dihatje e thellë imitonte  
Ngrohtësinë e diellit

Varka ime për herë të parë  
Mbeti në fund të liqenit  
Llamburitja e duarve  
Me delikates  
I kapërcej shtigjet e përsosura  
Hëna me xheloz  
I mëkonte xixëllonjat

*Prishtinë, 15 mars 2014*

## **EDHE TI O SHPEND I ZI**

O lejlek i bardhë  
Edhe ti o shpend i zi  
Mi tregoni rrugët  
Ju përgjëroj tregomëni  
Si të kthehen në Shqipëri

Të ju japë nga një letër  
Së tepërmi druaj  
Se do e hajë era  
Këtu në vend të huaj  
Më është mbyllur dera

O lejlek i verdhë  
Edhe ti o shpend i kuq  
Më mësoni rrugën deri në atdhe  
Jeta në mërgim  
Po më kalon huq

O lejlek i bardhë  
Edhe ti o shpend i zi  
Sa shumë kam mall  
E po digjem si zjarri  
Për nënën Shqipëri

## **NUK MUNDENI ME MA MARRË**

Mund të më kryqëzoni si Krishtin  
Të më çoni zvarrë  
Deri në varr  
Por dashurinë time ndaj atdheut  
Kurrë nuk mundeni me ma marrë

Këtë pemë të bekuar  
Ma mbolli katragjyshi  
I katragjyshit tim  
Malli im është një zog i lirë  
Që jeton në fluturim

Mund të m'i merrni edhe sytë  
Të më lini nga malli të vdes  
Në këtë errësi të mizore  
Por dashuria ndaj atdheut  
Në mua jeton dhe rritet prore

## ZËRAT E SHTHURURA TË ERËS

Një mjegull e zezë  
Si mjaullimë doli nga sterra  
Shpirti i kalbur i mesjetës  
Sërish zuri të vrapoje si era

Përtej mureve britmat  
Vallja e mortit  
S'ka të ndalur  
Jeniçerët i kanë zbrazur kazanët  
Evropa e turpëruar  
Përgjon ulërimat e ujqërve

Sërish dëgjohen zërat  
Britmat e një nate të plagosur  
S'pushojnë  
Nga majat e thikave pikon dhimbja  
Hungërimat e egra  
Shqyejnë perdet e qiellit

Në një fshat malor  
Ndërgjegjja rra në provim  
Nga krimet e një nate  
Të çmendur  
Pa tekst mbetën bishat e malit

## **KAH UDHËT E PAUDHA TË DETIT**

Mbrëmë më shkisin këmbët  
Kah udhët e paudha të detit  
Mjellma e zezë  
Në kuvertën e anijes së fundosur  
E kishte lënë peng folenë

Mes dallgëve dëgjoheshin britma peshqish  
Nëpër xhepat e shkumës së kripur  
Rridhte si peshkvja  
Shpirti i nakatosur i një sirene  
Mbi një kep të trishtuar  
Qante pulëbardha

Deti dukej si një nuse e dhunuar  
Në mol hapeshin  
Dhe mbylleshin dritaret  
Nata i kishte shkyçur fenerët  
Vetëm sytë e humbur të peshkaqenëve  
Vezullonin si yjet në hemisferë

Deti i trazuar  
Si i çmendur vraponte rrugicave  
Një parandjenjë si një bishë zvarritej  
Në rrjetin e merimangës  
Asnjë peshk nuk i përngjante  
Sirenave të shkumës së bardhë të detit

## NGA ETHET E FRIKËS

Qenka ndalur koha  
Ora e vjetër në murin e kishës  
Paska hyrë  
Mes tragjediave antike

Një luan i paçjerrë  
Qëndron mbi këmbët e pasme  
Dhe bisedon me prenë  
Që dridhet si thupra e shelgut

Brohoritjet nuk kanë të ndalur  
Nga ethet e frikës  
Shemben muranat e gurta

Si thuprat e çelikta  
Dridhen këmbët e amfiteatrit  
Nga pamjet bizare të gjakut  
Heshtin brohoritjet

Një njeri del nga lëkura e luanit  
Bisha zvogëlohet aq shumë  
Sa që kokulur  
Hyn në lëkurën e regjur të ditës

Brohoritjet e kukullave të frikësua  
Përfundimisht fundosen në amfiteatër  
Nga shpirti i thyer i heshtjes  
Zgjohet një zog i vrarë dhe fluturon qiejve



## **QËNDROI SI STATUJA E NGRIRË**

Këpucët e tua të zeza e të gjakosura  
U shndërruan në relikte malli  
Nëna për çdo mbrëmje i vë nën jastëk  
Dhe fle si një foshnje

Tani ke ikur në një tjetër vend  
Nuk të njohin më as të afërmit  
Atë çast kur me dorë kaluan  
Mbi fytyrën tënde  
Mua nga frika më zinin ethet

Nuk t'i preka sytë  
Që më përcjellën çdoherë  
Dora ime e djathtë  
Qëndroi pezull mbi qerpikët e tua  
Qëndroi si statuja e ngrirë

Sa më ka mbetur peng  
Përshëndetja e fundit  
Kujt t'i kërkoj falje  
Për frikën time  
Ky gur i rënd që më rri në shpirt  
Për çdo ditë  
Po më rëndohet nga pak

## AJO VETË U SHNDËRRUA NË ERË

Këto trajta të erës  
Që duken si sy katrore në pasqyrë  
Para njëqind vjetëve  
Ishin të rrumbullakëta si rruzaret e gjyshes

Më kujtohet kishin një formë delikate  
Me të cilën lozte era  
Sa herë që rrapëllonin dyert e sokakut  
Dëgjoheshin lehjet e qenve të lagjes

Ishte e vetmja grua gjyshja ime  
Që e fshihte erën në flokët e saja të verdha  
Më pastaj tërë kohën lozte me të  
Lozte për të mos harruar fëmijërinë

Gjyshja ime ishte edhe nënëmadhja ime  
Sa shumë i donte trajtat e erës  
Sa që një ditë kur e zuri mjegulla qiellin  
Ajo vetë u shndërrua në erë

## **MBI DYSHEKUN E MJEGULLAVE**

Unë dhe hija e ime  
Nën një pemë  
U ulëm këmbëkryq  
Ulliri pesëqindvjeçar  
Dukej se po ecën si kardinal  
Mes nesh  
Një lumë i thellë ëndërronte shiun

Një pasqyre e gurtë  
Bisedonte me pëllumbin prej argjile  
Përreth si në Ferr dëgjoheshin  
Krakëllimat e çafkave  
Për herë të parë  
Paranoja e erës i shikonte anijet  
Kah fundoseshin  
Në lotin e turbullt të detit

Një heshtje si vdekja e zezë  
Kalonte tërmal rrugës  
Dy plaka me të veshura të zeza  
Mbanin në dorë  
Nga një qiri të mishtë  
Si llava e vullkanit  
Digjej rrashta e lisit të rrëzuar

2.

Një hije e zezë  
Imitonte veshjen morbide të erës  
Nga një çati e rrënuar  
Sërish dëgjohen krakëllimat  
E megjullave

Lehja e natës kurrsesi të ndalet  
Sterra ogurzezë  
Lëshohej mbi shpatullat e Gjergjit  
I cili dergjej  
Mbi dyshekun e megjullave

## LINDJEN E NJË GJERGJI TË RI

Shoqja ime dhe unë  
Pamë në Shqipëri duke vdekur një pemë  
Rrënjët e ullirit në kalanë e Krujës  
Kishin më shumë krenari  
Se sa njerëzit  
Me syze të errëta që endeshin  
Përreth tij

I huaji flokëverdhë  
Në shiritin e një celuloidi  
I regjistronte kalldrëmet shqiptare  
Kruja si një foshnje  
E porsalindur rendte nëpër histori

Kalaja duke i krehur flokët e shekujve  
Kridhej shtigjeve të lashtësisë  
E cila çdo çast ëndërron  
Lindjen e një Gjergji të Ri

Pemët dhe ullinjtë e bardhë  
Kanë zënë  
E po lëshojnë lastarët e parë  
Në drejtim të qiellit gri

2.

Unë dhe shoqja ime  
I pamë edhe rrapet që s'flinin  
Qëndronin me gjokse të kthyer  
Kah stuhia e zezë  
Burra që u përngjanin perëndive të Olimp  
Që për një fjalë goje  
Armikut ia kallin datën

Unë dhe shoqja ime  
Pamë duke vdekur  
Edhe duke lindur Shqipëria

Këtu ullinjtë  
U përngjajnë kardinalëve  
Në çdo shekull i ndërrojnë këmishët  
Mes trupave të pemëve  
Vrapojnë kalorësit  
Që asnjëherë nuk vdesin

*Prishtinë, 16 mars 2014*

## **BREDHTE LEDHAVE TË HISTORISË**

I vështrojë thellësitë e syve të erës  
Pas pasqyrës së vjetër  
Fshihen tufanet e shekujve  
Ti asnjëherë nuk rende  
Përtej vetvetes  
Mbetë një statujë e shkrirë në mermer

Kur u pamë nuk ishte më ai djalosh  
I adoleshencës  
Nga duart e tua me kallo  
Pikonte trishtimi  
kishte mbetur pa asnjë ëndërr  
Si vëllezërit binjakë i përngjaje Sizifit

Vonë e kuptova personin që i lante sytë  
Me pikëllimin e mëngjesit  
Një meteor i këputur  
Kishte mbetur  
Pa asnjë shpresë në hapësirë

Njëqind vjet në mua nuk u ndalën zërat  
Vendi i kishte humbur të gjitha rrugët  
Bredhte ledhave të historisë  
Dhe vajtonte si qyqja  
Duke i kërkuar zogjtë e ikur  
Nga foleja e ngurtë e atdheut

## SHIKIMET E MIA KLANDESTINE

Në sytë e mi të gështenjtë  
I shoh sytë e tua të kaltër  
Silueta ime në pasqyrën e madhe  
Më duket zbehej tej mase

Nuk di vallë athua isha unë në atë fotografi  
Ose dikush tjetër banonte në mua  
Shikimet e mia klandestine  
Kanë zënë e po mbyten nga myku

Qeni i kuq i lagjes së evgjitëve  
Sot në mëngjes qante si një njeri  
Për çudi shelgu i pikëlluar  
Qeshte si asnjëherë më parë

Brenda një dhome me xhama të errëta  
Dëgjohen vetëm zukatjet e mizave  
Dita rrinte pas perdeve të palara  
Dhe kundronte një pikë të papërcaktuar



## **MARR FRYMË SI GJETHET E NJOMA**

Unë nuk mund të jetoj në këtë zbrazëti  
Më duhet pak frymëmarrje  
Ky akuarium qelqi po i përngjan  
peshqve të ngordhur

Kur më dhemb koka  
Marr frymë si gjethet e njoma  
Dal në rrugë dhe vrapoj me drurët  
Vrapoj deri sa e zë etja e erës

Sot gjethet e pemëve nuk po shkunden  
Si në rinin time  
Ato po bien si shirat e vjeshtës  
Mbi flokët e thinjura të mëngjesit

Qyteti im po më duket  
Më i zbrazët se kurdoherë  
Njerëzit kalojnë trotuareve  
I numërojnë hapat si kukullat e drunjta

Ecim mbi një pistë mode  
Por kanë një përparësi të madhe  
Nuk kanë nevojë  
Për frymëmarrje artificiale

## KANË MBETUR EDHE DY HAPA

Kur ngushtohen pantallonat e mia  
Kaloj nëpër vrimën e gjilpërës  
S'kam nevojë për asnjë pasqyre  
Në sytë e tua  
Përherë e shoh botën lakurike

Eca përtej çdo pamundësie  
Dhe në imazhin e parë  
Më doli parasysh  
Qielli i ngrysur i atdheut

Ti mos u hamend  
Kanë mbetur edhe dy hapa  
Të mbërrish me kohë  
Deri atje  
Ku thyen pasqyrat e botës

Loti im depërtoi  
Në lotin tënd të brishtë  
Era i krihte flokët e thinjura  
Në pasqyrën e thyer të vjeshtës

Ne ishim të etur si zhapini i shkretëtirës  
Te një dunë e vetmuar  
Qante kaktusi  
Një deve e hidhëruar pamasë  
Pështynte përcëllimin e diellit  
Nën këmbët e etura të kaktusit  
Digjej rëra e kuqe

## **ZËRI YT AI FYELL MAGJIK**

Zëri yt sonte po i përngjan  
Qyteteve të largëta  
Që nuk harrohen  
Por si ato pasione  
Që i kanë humbur rrugët  
Nëpër xhunglat e kujtesës

Zëri yt si zëri i erës më vjen në ëndërr  
Të shoh se si kridhesh hapësirave  
Pa e pyetur asnjë njeri  
Si fjala e harruar rilind  
Nga thellësia e tokës

Unë do të të pres diku në vetëdijen time  
Të pres nëpër udhët e jetës  
Nëse takohemi  
Të lutem  
Lërma zërin tënd si një testament  
Që vetëm mua më përket

Zëri yt ai fyell magjik  
Që më merr me vete  
Sa herë që fluturojnë zogjtë  
Bëhem erë e një muzike  
E të presë në zhgjëndrrën time

## **MË PRIT OSE SHKO KU TË DUASH**

Më prit e dashur  
Sonte do të dal nga lëkura ime  
Më prit me krah të hapura  
Sa ora do të jem  
Në ëndrrën tënde

Më prit ose ik ku të duash  
Nëse mundesh  
Unë veç kam dalë  
Nga lëkura ime

Një ditë pranvere  
Kur ti më së paku pret  
Ashti im  
Do të konvertohet në dashuri

## SYTË TU TË GËSHTENJTË

Më trego e dashura grua  
Marrëzia e jote  
Athua ka ndokund derë  
Sytë tu të gështenjtë  
Erdhën pas meje  
Dhe më përcollën  
Deri në Ferr

Ti ishe dhe mbete një engjëllushë  
Kurse unë një njeri kokëfortë  
Si furtuna  
Poet rebel - zemër prush  
Që e deshi atdheun  
Kur si gjarpri i zi  
Zvarritej dhuna

Sa herë që u treta mjegullave  
Ma zgjate dorën  
Askurrë në baltë  
Gjatë tërë jetës nuk më la  
Ishe grua -mrekulli prej nëne  
Meritove kurorën  
Ah sa shumë kam me ty sevda

## **TRAJTA ASNJANËSE E ERËS**

Me palltot e zeza solemne  
Mjegullat si qentë endacak  
Bredhin shëtitoreve të bulevardit

Kukullat si çdoherë  
Zëshëm protestojnë  
Rrugëve të boshatisura  
Një qetësi e llahtarshme  
Bren pasionin e erës

Shiu rigon mbi statujat e mermerta  
Rigon pa ndërpre  
Në brendinë xhamave të mendjes

Metaforat kanë hequr dorë  
Nga kashelashat  
Trajta asnjënëse e erës  
Bisedon me boçat e këputura të pishave

Më tutje buzë shatërvanit  
Në ballon e maskave  
Kanë ardhur edhe jashtëtokësorët

Yjet klandestinë fshihen  
Nëpër xhepat e shqyera  
Të protestuesve potencialë  
Në sheshin iks  
Po deshifrohet kodi i pakënaqësisë



## **GRATË E PESHKATARËVE**

Si një gotë vere  
Deti u zbraz në stërkalat e shiut  
Uturimë dallgësh  
Në flokët e verdha të vjeshtës

Një pulëbardhë e vetmuar  
Iku nga kuverta  
Iku  
E vonuar për një stinë

2.

Moli i shastisur  
Ëndërron peshkun e artë  
Gratë e peshkatarëve  
Të vetmuara  
Dhe me duar të lidhura për koke  
I presin fantazmat e anijeve  
I presin pashpresë  
Të kthehen  
Me nga një qiri të ndezur

3.

Horizonti qante si deti  
Me ngashërim  
Meduzat e kaltra i mbajnë në dorë  
Flamujt e zi të pikëllimit

Një anije e bardhë  
Me vela të zeza  
Në shpirtin e erës  
Lëshoi spirancën e dhembjes

*Prishtinë, 17 mars 2014*



*Pesha e lotit*



## **NJË HËNË E PIKËLLUAR**

Kur ngjau ringjallja  
Në syrin e kalit tim të verdhë  
Banonte një njeri i panjohur  
Sa herë që hapeshin dyert  
S'ndaleshin hungërimat e cerberit

Thonë se ishte koha e mjegullave  
Nëpër shtatë palë qiell  
Galopuan kalorësit e apokalipsit  
Dhe ngjau ngrysja e paparë

Korbat haptazi dolën në shesh  
Dhe si shpendët parahistorik  
E mbuluan me duart e erës  
fytyrën e mërrolur të qiellit

Shirat e zeza  
Me vite të tëra s'pushuan  
Nëpër xhepat e meteorëve  
Kollej furtuna murrme

Njerëzit dolën në log të trishtimit  
Një hënë e pikëlluar  
Diku pas mjegullave të turbullta  
Për herë të parë përjetoi katarzën

## **SA ËSHTË VËSHITRË TË JESH NJERI**

Sa është vështirë të mbjellësh një pemë  
Në Ballkanin e trazuar  
Sa është vështirë të jesh njeri  
Aty ku ulërijnë ujqërit  
Ku pas çdo porte  
Të presin cerberët e uritur për gjak

Dreqi e ngrëntë sa është vështirë  
Të jesh njeri  
Aty ku kryqet shndërrohen në thika  
Sa është vështirë  
Të ecësh vertikalisht  
Deri te mallkimi dhe kryqi yt

Një copë mjegulle bredh netëve të zeza  
Mjegulla që kafshon varre  
Në dreq të mallkuar  
Ky kodë i trishtuar i urrejtjes  
Sa është vështirë të jesh njeri  
Aty ku djajtë  
Lozin vallen e gjakut



Në çastin  
kur për herë të parë  
Doli njeriu nga gujave e hapësirës  
Kuptoi fare mirë  
Se sa është vështirë me qenë njeri  
Në dreq të mallkuar  
Të jesh diçka asgjë më shumë se njeriu  
Sa është vështirë  
Të jesh njeri në Ballkanin a trazuar

## **NË PROVIM KURRË NUK RAMË**

Shporru në sterrë  
Ik nga kjo natë moj qyqe e zezë  
Ka kohë  
Që ne i kemi djegur  
Flatrat e shpendëve të pikëllimit

Kaluan më shumë se njëqind vjet  
E netët thikave  
Më s'i pamë

S'di se si të shprehem  
Por sido që të jetë  
E deshëm dritën  
Në provim kurrë nuk ramë

Shporru moj qyqe  
Ik në vendlindjen e zezë të erës  
Asgjë nuk deshëm më shumë  
Se sa që patën të tjerët  
Shporru  
Mos i mbaj më cerberët pas derës

## **VIBROJNË SI GJETHET E FISHKURA**

Nëpër sinorët e atdheut  
Ulërijnë drurët  
Me buzë të thara etja i përgjëron degët  
Gjethet e vjeshtës  
Sivjet nuk zgjohen nga koma

Bari i verbët  
Po vuan nga ethet e zeza  
Duart e stinës pjalmojnë trishtim  
Një zë i shurdhër  
Parakalon rrugëve ngarkuar me dhembje

Ecën drurët e plagosur  
Si hijet ecin  
Somnambulët nëpër çati  
Ullukët i ka zënë gjumi dimërorë  
Vetëm kallkanët  
U përngjajnë hijeve të njerëzve

Një stinë e egër mjaullin rrugëve  
Shqisat e të dëgjuarit  
Vibrojnë si gjethet e fishkura  
Apostujt e krimeve  
Parakalojnë me arkivole të verdha  
E pjalmi i trishtimit nuk ka të ndalur

## VETËM NJERËZIT NDRYSHOJNË

Sa herë që dal në shëtitore  
Era m'i lëpin flokët  
M'i lëpin  
Si mizat e mërzitshme pjatat e palara

Pranë këmbëve të drunjta  
Rigon shi  
Ai shi i cili të bezdis  
Si ato kukulla të përdala

Bie shi i baltosur  
Nëpër asfalt enden mushkonjat  
Dikush nga ballkonet  
Gjuan gazeta të ndrydhura

Imazhet gjysmë të zhveshura  
Të tmerrojnë  
Duhet ecur përpara  
Por si të ecën njeriu me sy të mbyllur

Sërish shiu i njëjtë me pamje të përsëritura  
Ballkonet s'kanë shkuar në piknik  
Në qytetin tim s' lëvizin ndërtesat  
Vetëm njerëzit ndryshojnë  
Disa shkojnë për në amshim  
E disa të tjerë vijnë me maska

## NËSE BËJ HAPIN E PARË

Paska mbetur vetëm një fije kashte  
Për ku të kapem  
Në cilin det u fundosën anijet  
Kur erdhën përmbytjet e mëdha

Një etje e vogël mbrëmë  
E solli etjen tjetër  
Më të madhe  
Sytë rriten nga dhembja

Nëse e bëjë hapin e parë  
kah portat e Ferrit  
Nuk di  
A do të kem vallë kohë  
Për hapin tim të fundit

Sytë e mjellmave janë  
Aq të vogla  
Sa që u përngjajnë  
Rruazave të gjyshes sime të ndjerë

Një korb i zi mbeti pa flatra  
Dhe pa asnjë shpresë  
Kah po fluturojnë mjegullat  
Në këto kohëra të liga

## SHTATË DETET E BOTËS

Fisi im fisi i zogjve krenarë  
Nuk u përngjan askurrë  
Atyre fiseve  
Që përulen deri në përbuzje

Jemi fëmijët e kalorësve  
Që i ftuan në dyluftim  
Kalorësit  
E çmendur të Apokalipsit

Ne u lindëm nga guri i stralltë  
Atdheu ynë  
Pikoi nga një galaktikë  
Që u përket shpendëve dykrenorë

Kur Dardania në këto fusha  
Merrte frymë si uji  
Me krenari i zotëronim  
Shtatë detet e botës

Fisi im ishte paraardhës  
I perëndive  
Sa herë që kishte mall për rrënjët  
Bisedonte me lartësitë e yjeve

## **POR GJITHSESI**

Tani më nuk dihet  
Sot filloi  
Ose dje përfundoi  
Mesha e parë e së dielës

Binte shi e dashur  
Binte në flokët e erës loti i një stine  
Ne ishim larg njëri-tjetrit  
U përngjanim binarëve të trenit

Ishte e diele  
Ndoshta përfundoi  
Ose nuk pat se kush me e mbajt meshën  
Por gjithsesi  
Diçka nuk ishte në rregull

Binte shi e dashur  
Një shi i mërzitshëm  
I kot  
Si një njeri i humbur

Por gjithsesi  
Atë ditë  
Ishte e diela e fundit  
Kur ishim në meshë

*Prishtinë, 18 mars 2014*

## **PESHA E LOTIT**

Po ikën nga unë  
Një gjeth i verdhë  
Ikën edhe stina tej përtej  
Degët duke rënë bien në humnerë  
Acari i çmendur  
Pjalm trishtimi derdh

Po më ikin edhe duart  
Flokët e zbardhura  
Shndërrohen në elegji  
Duke pëlcitur nga vaji  
Një qyqe e bardhë  
Natë e ditë  
Dënes mbi një çati

Kam mbetur si një dunë  
E verbër në hapësirë  
Loti lotin  
Nuk e ndalë dot  
Sado që është e rëndë  
Dhembjen e vajit  
Pesha e lotit  
Nuk matet me lot o Zot



## **PO BIEN SI PERËNDITË E TRILLUAR**

Sonte po e mbështes  
Kokën time të lodhur  
Po e mbështes  
Mbi zërin melankolik të gërnetës

Këto duar të plagosura  
Më mbajnë gjallë  
Po më mbajnë për dore  
Derisa e shtrij jorganin  
Mbi shpirtin e pambuktë të reve

Nata e gjatë  
Shoqërohet me ofshamën  
E një cope mjegulle të këputur  
Nëpër hapësirën e paanë të qiellit  
Ngarendin yjet e verbër  
Ngarendin  
Deri në pafundësinë e pafundësisë

Si një jehonë e pikëlluar  
Nga larg dëgjohen zërat e meteorëve  
Shirat nuk prajnë  
Po bien si perënditë e trilluar  
Po shkunden  
Nga degët e pikëlluara të yjeve

## NETËT MË NUK ISHIN NET

Zërat e trishtuara nga lotët  
Trokasin në portat e mbyllura  
Të shpirtit  
Mallëgjimi i erës qan si kërthi  
Duart e kujt përqafuan mbrëmë  
Drurin e mykur të akacies

Unë nuk isha askund  
Edhe hija e ime e përhitur  
Mbeti pa zë  
Në ashtin e kujt  
Mbiu trëndafili i egër  
Kur zëri tinëzar i heshtjes  
Kalonte lakuriq rrugëve të dhunuara

Netët më nuk ishin net  
Dukeshin si disa gjëra të papërcaktuara  
Rrinin të çrregulluara  
Ngjashëm me gazetatat e vjetra  
Në kujtesën e epshit qante mështekna

Një zog i zi i trishtimit  
I kishte lënë flatrat mbi një çati  
Erdhi era me flokë të shthurura  
Dhe sërish iku  
Me të gjitha pëshpërimat e anktheve

## NË VESHIN E SHURDHËR TË KOHËS

Ndale të lutem  
Ndale zërin e kitarës  
Nuk durohet kjo melodi e përvajshme  
Në veshin e shurdhër të kohës  
Po dënes një serenatë

Nuk di a ishte natë ose ditë  
Por gjithsesi  
Teri si heshtja kalonte hajnisht  
Nëpër brinjët e thyera të kateteve  
Ndale të lutem  
Ndale zërin e kitarës

Para dy ditëve si foshnja qante lumi  
Qanin edhe shëlgjet e pikëlluara  
Me cilën peshë sonte  
Mund ta matim  
Lotin e brishtë të çastit të humbur

Sërish heshtën mëllenjat  
Asnjë cicërimë s'dëgjohej  
Te grunajat  
Mbase sivjet u vonuan të korrurat  
Nga hidhërimi  
Hëna i shkundi kallinjtë nëpër ara

## **ECJET I KANË TË SHTHURURA**

Në qytetin tim  
Disa njerëz ecin tatëpjetë  
E disa të tjerë tërmal  
Nëpër kafenetë e mykura  
S'pushojnë të qeshurat e jashtëtokësorëve

Çunat rendin pas xhubletave  
Kurse pleqtë si zakonisht  
Shëtisin me pantallona të shkurta  
Ecjet i kanë të shthurura  
Si mendimet

Era më nuk e përcjellë shtypin ditor  
Thonë se po vuan nga skleroza  
Kur përdor tableta për uljen e sheqerit  
Vrapon si ketri rrugicave  
Të ngushta  
Vrapon  
Derisa mbetet pa frymëmarrje

## AVULLOJNË NGA PAK TRISHTIM

Në kafenenë te plepat e bardha  
Nuk më lënë rehat ta pi  
Kafen e mëngjesit  
Në një tavolinë dy të moshuar  
Flasin për seksin e përditshëm

Në tjetrën përballë kësaj monotonie  
Miq të mi të moshuar  
Me sy të çakërdisur bisedojnë për Zotin  
Njëri betohet në kuran  
Kurse tjetri s'e lëshon biblën nga dora

Gotat e mbushura  
Me verë te kuqe Rahoveci  
Avullojnë nga pak shpresë  
E nga pak trishtim

Një mizë e madhe nuk e ndalë zukamën  
Kurse kamerierja sykaltër  
Thotë se është e bija e Krishtit

Përballë xhamave të djersitur  
Protestojnë karriget  
Tymi i duhanit si mjegulla e zezë  
U pengon tavolinave që lëvizin  
Sa këndeje e sa andej marrëzisë

## PIKOJNË KALLKANËT E MURRMË

Thonë se vjeshta i ka sytë e verbët  
Nëse s'piqen pemët  
Qanë pa derdhur pikë loti  
Nga duart e saja të ngrira  
Pikojnë kallkanët e murrmë

Sivjet vera ishte më e gjatë  
Se stinët e tjera  
Ia morri disa javë vjeshtës  
Dhe iku pa lënë gjurmë  
Andaj era i shkundi më herët pemët  
Dhe frytet e tjera të papjekura

Për disa orë dimri erdhi  
Para kohe  
Furtuna me radhë pjalmoi  
Një stuhi e çmendur në pabesi  
I zuri peng zogjtë shtegtarë  
Ku sot po bredhin nëpër çerdhe të huaja

Sipas meteorologëve  
Dimri sivjet  
Do jetë i gjatë dhe shumë i ashpër  
Mëllenjat i zuri një brymë e verdhë  
Dhe hynë  
Pa u përgatitur nëpër dhomat e dimrit

## **NDOSHTA NJË DITË**

Ndoshta një ditë  
Ose në një kohë tjetër  
Do e lë bastunin  
Diku fshehur nën hambar

Unë do vij te ti  
Do shihemi patjetër  
Kur në shpirtin tim  
Mugullon një grusht bar

Do vij deri te ti  
S'do shkoj diku tjetër  
Mbase koha do të jetë  
Tepër e gjatë

Më beso e dashur  
Unë do vij patjetër  
Ka kohë që jam në rrugë  
Do shihemi menatë

Ndoshta një ditë  
Më pret dikush tjetër  
Fajin kurrë mos e lyp te unë  
Por sërish po të them

Unë do vij te ty patjetër  
Ta zëmë kohën e duhur  
Kur bota e jonë  
S'do të jetë më në gjumë

*Prishtinë, 19 mars 2014*



## SHËNIME BIOGRAFIKE PËR AUTORIN

**Adem Zaplluzha** u lind në Prizren, më 1943. Shkollën fillore dhe të mesme i kreu në vendlindje, ndërsa Akademinë Pedagogjike në Prishtinë. Një kohë punoi si mësues nëpër fshatrat Studençan të Therandës (ish Suharekës) dhe Hoça e qytetit, afër Prizrenit. Ndërkohë punësohet si përkthyes në Korporatën Energjetike të Kosovës. Me shkrime filloi të merret kryesisht me poezi që nga mosha e fëmijërisë. Rrugën letrare e nisi me vjershën e parë për fëmijë të cilën e botoi në revistën “Pionieri”, më 1957. Si i punësuar në Korporatën Energjetike të Kosovës bashkë me shokët e punës dhe pendës themeloi grupin letrar “Lulëkuqet e Kosovës”. Në Kuadër të punës së këtij grupi letrar qe botuar përmbledhja “Ngjyra e kohës”, në të cilën u përfshi një numër i konsideruar i poezive të tij. Krahas krijimeve të publikuara në revistat për fëmijë, botoi edhe një serë shkrimesh nëpër gazetatat e kohës që dilnin në Prishtinë dhe Shkup. Është anëtar i Lidhjes së shkrimtarëve të Kosovës, prezent në disa antologji dhe në librin Kosova letrare të

poeteshës Monica Mureshan. Është prezantuar në *Leksikonin e Shkrimtarëve Shqiptarë 1501-1990*, nga Hasan Hasani, në *Leksikonin Shkrimtarët Shqiptarë për fëmijë 1872 - 1995* nga Odhise K. Grillo, si dhe në librin *Portrete Shkrimtarësh* nga Demir Behluli, Prishtinë, 2002. Në maj të vitit 2013 Klubi i Artistëve dhe i shkrimtarëve të Durrësit ia ndau çmimin e karrierës për kontributin e dhënë në letrat shqipe. Jeton dhe krijon në Prizren.

## BOTIME TË AUTORIT

1. **“Puthje”, poezi**, “Rilindja”, Prishtinë, 1974.
2. **“Ecjet e viteve të mëdha”, poezi**, “Jeta e Re”, Prishtinë 1995.
3. **“Çamarrokët e Thepores”, poezi për fëmijë**, “Shkëndija”, Prishtinë 1996.
4. **“Muret”, poezi**, “Jeta e Re”, Prishtinë, 1997.
5. **“Morfologjia e dhembjes”, poezi**, “Faik Konica”, Prishtinë, 2000
6. **“Ai vjen nesër”, poezi**, Qendra e Kulturës, Klubi letrar “Fahri Fazliu”, Kastriot, 2007
7. **“Letër nga mërgimi”, poezi**, Klubi letrar “Fahri Fazliu” Kastriot, 2007
8. **“Letër nga mërgimi 2 “ poezi**, “Qendra e Kulturës”, Klubi letrar, “Fahri Fazliu”, Kastriot 2007
9. **“Udhëndarja”, poezi**, “Qendra e Kulturës”, Klubi letrar, “Fahri Fazliu”, Kastriot, 2008
10. **“Thirrje e gjakut”, poezi**, “Qendra e Kulturës”, Klubi letrar, “Fahri Fazliu” Kastriot 2008
11. **“Asgjë sikur molla”, poezi**, “Qendra e Kulturës”, Klubi letrar “Fahri Fazliu”, Kastriot, 2009.
12. **“Vesa në lotin tim”, poezi**, “Qendra e Kulturës”, Klubi letrar “Fahri Fazliu”, 2009,
13. **“Puthja e gozhduar”, poezi**, “Qendra e Kulturës”, Klubi letrar, “Fahri Fazliu”, Kastriot, 2009.
14. **“Kashelasha në vargje”, poezi për fëmijë**, “Qendra e kulturës, Kastriot, 2009.

15. **“Pema e bekuar”**, E përkthyer, Rumani, 2010.
16. **“Bajraktarët e vatanit”**, poezi satirike, Klubi letrar, ”Fahri Fazliu” Kastriot , 2010.
17. **“Hijet e ndryshkura”**, poezi,”Qendra e kulturës”, Kastriot,2010.
18. **”Stuhi në Kutulishte”**, poezi,”Qendra e kulturës”, Kastriot,2010.
19. **“Posa ikte nata”**, poezi, “Qendra e kulturës “, Kastriot,2010.
20. **“Loja e myshqeve”**, poezi,”Qendra e kulturës”, Kastriot,2010.
21. **”Lumëbardhi dhe gjëma”**, poezi,”Qendra e kulturës”,Kastriot, 2010
22. **“Metafora e heshtjes”**, poezi, “Qendra e kulturës”,Kastriot, 2010
23. **”Hyji në Prekaz”**, poezi,”Qendra e Kulturës”, Kastriot,2010.
24. **”Sinorët e hinores”**, poezi, Shoqata e Shkrimtarëve-Kastriot 2010
25. **”Don Kishoti dhe Rosinanti”**, poezi, Shoqata e Shkrimtarëve, Kastriot, 2010
26. **”Zjarri i dashurisë”**, poezi, Shoqata e Shkrimtarëve-Kastriot, 2010
27. **”Kur likenet vallëzojnë”**, poezi, Shoqata e shkrimtarëve-Kastriot, 2010
28. **“Ditari në vargje”**, poezi, Shoqata e Shkrimtarëve-Kastriot, 2010
29. **“Tingujt që nuk përfundojnë”**, poezi, Shoqata e shkrimtarëve –Kastriot, 2010.
30. **“Shtegu i mallit”**, poezi, Shoqata e shkrimtarëve-Kastriot, 2010

31. **”Korniza e thyer”**, Poezi, Shoqata e shkrimtarëve, -Kastriot, 2010
32. **”Zgjimi i gjëmës”**, Poezi, Shoqata e Shkrimtarëve-Kastriot, 2010
33. **”Vallja mistike”**, Poezi, Shoqata e Shkrimtarëve- Kastriot, 2010
34. **”Merre kodin”**, Poezi për fëmijë, Shoqata e shkrimtarëve Kastriot, 2011
35. **” Letër atdheut”** poezi, Shoqata e Shkrimtarëve-Kastriot, 2011
36. **” Tejudkshëmëria e shiut”**, Poezi, Shoqata e Shkrimtarëve- Kastriot, 2011
37. **” Përtej teje”**, poezi, Shoqata e Shkrimtarëve-Kastriot, 2011
38. **”Sa afër e sa larg”** , poezi, Shoqata e shkrimtarëve-Kastriot, 2011
39. **”Vallja e zanoreve”**, Poezi , Shoqata e Shkrimtarëve- Kastriot, 2011
40. **”Ikja e eshtrave”**, Poezi për të rritur, Shoqata e Shkrimtarëve- Kastriot, 2011
41. **”Kalorësit e mjegullave”**, Poezi, Shoqata e shkrimtarëve-Kastriot, 2012
42. **”Hingëllimat e shiut”**, Poezi, Shoqata e Shkrimtarëve- Kastriot 2012
43. **”Kur pemët i ndërrojnë këmishët”**. Poezi, Shoqata e Shkrimtarëve- Kastriot, 2012
44. **”Mirëmëngjes Imzot”**, Poezi, Shoqata e shkrimtarëve – Kastriot, 2012
45. **”Kafshimi i mikut”**, Poezi satirike, Shoqata e Shkrimtarëve- Kastriot, 2012
46. **”Atje tej maleve”**, Poezi, Shoqata e shkrimtarëve , Kastriot-2012

47. **“Heshtja që del në shesh,”** Poezi, Shoqata e Shkrimtarëve, Kastriot -2012
48. **“Portat e shpresës,”** Poezi, Shoqata e shkrimtarëve, Kastriot-2012
49. **“Në dhomën time gjysmë të errët,”** Poezi, Shoqata e Shkrimtarëve- Kastriot, 2012
50. **“Kinse Lojë Shahu,”** Poezi, Shoqata e Shkrimtarëve- Kastriot, 2012
51. **“ Për çdo dekadë nga një baladë “,** Poezi, Shoqata e Shkrimtarëve – Kastriot, 2012
52. **“Fusha e mëllenjave,”** Poezi, Shoqata e shkrimtarëve- Kastriot, 2012
53. **“E kujt është kjo vetmi,”** Poezi, Shoqate e Shkrimtarëve- Kastriot, 2012
54. **“Mos pyet për adresën e lumit,”** Poezi, Shoqata e Shkrimtarëve – Kastriot, 2012
55. **“ Stoli në parkun vjetër”** Poezi, Shoqata e Shkrimtarëve- Kastriot, 2012
56. **“Urori i stralltë,”** poezi, Shoqata e shkrimtarëve –Kastriot, 2012
57. **“Po të mos ishte fjala,”** Poezi, Shoqata e shkrimtarëve- Kastriot,2012
58. **“Thyerja e urave,”** poezi, Shoqata e shkrimtarëve –Kastriot, 2012
59. **“ Trokëllimat në gjumin e dallgëve,”** Poezi, Shoqata e Shkrimtarëve- Kastriot, 2012
60. **“ Në flokët e dëborës,”** poezi, Shoqata e Shkrimtarëve –Kastriot, 2012
61. **“Një grusht nostalgji,”** Poezi, Shoqata e Shkrimtarëve-Kastriot, 2012
62. **“ Kur filluan të flasin njerëzit,”** poezi, Shoqata e shkrimtarëve- Kastriot, 2012

63. **“Kur stinët kapërcejnë fshehurazi”**, poezi, Shoqata e Shkrimtarëve – Kastriot, 2012
64. **“ Lisi në rrënjët e veta”**, Poezi, Shoqata e Shkrimtarëve –Kastriot 2012
65. **“Eca ecëm dhe do ecim”**, Poezi, Shoqata e Shkrimtarëve – Kastriot, 2012
66. **“Fëmijët e erës”**, Poezi, Shoqata e shkrimtarëve-Kastriot 2012
67. **“ Çast në fund të stinës”**, Poezi, Shoqata e Shkrimtarëve- Kastriot-2012
68. **“Si të flas me drurët”**, Poezi, Shoqata e Shkrimtarëve-Kastriot, 2012
- 69, **“ Më pëlqejnë mendimet e tua”**, Poezi, Shoqata e Shkrimtarëve- Kastriot , 2012
70. **”Andej dhe këndej kohës”**, poezi, Shoqata e Shkrimtarëve- Kastriot , 2012
71. **“Zëri i heshtjes”**, poezi, Shoqata e Shkrimtarëve- Kastriot, 2012
72. **“Kush i lexoi letrat prej erës”**, poezi, Shoqata e Shkrimtarëve-Kastriot, 2012
73. **“ Fluturimi i korbave në netët pa hënë”**, prozë poetike, Shoqata e Shkrimtarëve –Kastriot, 2012
74. **“Koha e ime dhe koha e jote”**, Poezi, Shoqata e Shkrimtarëve-Kastriot , 2012
- 75.” **Diku te një baladë”**, Poezi, Shoqate e Shkrimtarëve –Kastriot, 2012
76. **“ Sonte çdo gjë po i përngjan lotëve”**,Poezi, Shoqata e Shkrimtarëve –Kastriot, 2012
- 77 **“ Ky def prej hëne”**, Poezi, Shoqata e Shkrimtarëve-Kastriot, 2012

78. **“Pyesni zogjtë në ikje”**, Poezi , Shtëpia botuese “Fahri Fazliu”- Kastriot 2013
- 79 **“ Fërfërimë gjethesh”**, Poezi, Shtëpia botuese “Fahri Fazliu” , Kastriot- 2013
80. **“Refrene yjesh”**, Poezi, Shtëpia botuese “Fahri Fazliu”- Kastriot, 2013
81. **“Te delta e mjellmave”**, Poezi, Shtëpia botuese “Fahri Fazliu”, Kastriot- 2013
82. **“Rinjohja”**, Poezi, Shoqata e Shkrimtarëve “Fahri Fazliu”- Kastriot, 2013
83. **“Diku në fund të një fillimi”**, Poezi, Shoqata e Shkrimtarëve, “Fahri Fazliu”- Kastriot, 2013
84. **“Makthi i hijes”**, Poezi, Shoqata e Shkrimtarëve-“ Fahri Fazliu”Kastriot, 2013
85. **“Një zog prej uji”**, Poezi, Shoqata e Shkrimtarëve “Fahri Fazliu”- Kastriot,2013
86. **“Asnjë fjalë nuk frymon”**, Poezi, Shoqata e Shkrimtarëve, “Fahri Fazliu”- Kastriot, 2014-
87. **“Daullet e një nate”**, Poezi, Shoqata e shkrimtarëve “Fahri Fazliu”-Kastriot 2014
88. **“Sytë e gurtë të erës”**, Poezi, Shoqata e Shkrimtarëve “Fahri Fazliu”- Kastriot, 2014
89. **“Kur dehen perënditë”** , Poezi, Shoqata e Shkrimtarëve “Fahri Fazliu”-Kastriot -2014
90. **“Fjetëm njëqind shekuj”** Prozë poetike, Shoqata e Shkrimtarëve “Fahri Fazliu”-Kastriot ,2014
91. **“Kraçëllimat e natës”**,Poezi, Shoqata e shkrimtarëve “Fahri Fazliu”-Kastriot, 2014
92. **“Ndjekësit e enigmave”**, Poezi, Shoqata e Shkrimtarëve “Fahri Fazliu”-Kastriot -2014



93. **“Atdheu i paçmuar”**Poezi, Shoqata e Shkrimtarëve-“ Fahri Fazliu”- Kastriot, 2014
94. **”Psalm i harruar ”**,Poezi, Shoqata e Shkrimtarëve, “Fahri Fazliu”Kastriot 2014
95. **”Për kë po bie moj kambanë”**, Poezi Shoqata e Shkrimtarëve “Fahri Fazliu”-Kastriot, 2014
96. **“Mbi flokët e ullukëve”**, Poezi, Shoqata e Shkrimtarëve “Fahri Fazliu” Kastriot 2014
97. **“Menatë vijnë lejlekë”**, Poezi, Shoqata e Shkrimtarëve “Fahri Fazliu” Kastriot 2014
98. **“Loti i gotës së dehur”** , Poezi, Shoqata e Shkrimtarëve “Fahri Fazliu” Kastriot 2014
99. **” Stina asnjanëse”** , Poezi, Shoqata e Shkrimtarëve “Fahri Fazliu” Kastriot 2014
100. **“Dëneste bashkë me erën”** Poezi, Shoqata e Shkrimtarëve “Fahri Fazliu” Kastriot 2014
101. **“Druri i pikëlluar”**, poezi, Shoqata e Shkrimtarëve, “Fahri Fazliu”- Kastriot, 2014
102. **“ Një grusht dashuri”** , poezi, Shoqata e Shkrimtarëve, “Fahri Fazliu”- Kastriot, 2014
103. **“Lëreni zërin tim”** , poezi, Shoqata e Shkrimtarëve, “Fahri Fazliu”- Kastriot, 2014
104. **“Shi në qytetin tim”** , poezi, Shoqata e Shkrimtarëve, “Fahri Fazliu”- Kastriot, 2014
105. **. “Si trenat e verbër ”** , poezi, Shoqata e Shkrimtarëve, “Fahri Fazliu”- Kastriot, 2014
106. **“Zjarri i malli tim ”** , poezi, Shoqata e Shkrimtarëve, “Fahri Fazliu”- Kastriot, 2014

- 107 . “**Kur teshtinë era** ” , poezi, Shoqata e Shkrimtarëve, “Fahri Fazliu”- Kastriot, 2014
108. “**Mbi shpirtin e erës pagane** ” , poezi, Shoqata e Shkrimtarëve, “Fahri Fazliu”- Kastriot, 2014

## PËRMBAJTJA

<b>POSA GJEJ NJË FJALË .....</b>	<b>15</b>
Pasqyra s'po më zë .....	19
Posa gjej një fjalë .....	20
Pas një ëndrre fjalësh .....	20
Hëna .....	21
Ky mëngjes i lodhur .....	22
Pranvera nuk dukej askund .....	23
Nëse .....	24
Dhe Pash një ëndërr .....	25
Në dhomën e kujtesës .....	26
Një zog .....	27
Shirat e një vjeshte .....	28
Atdheu po vdes .....	29
2. ....	30
Një dënesje e pakontrolluar .....	31
Këtu të gjallët janë të vdekur .....	32
Shiu dhe xhamat e drurëve .....	33
Dikur vonë kah mbrëmje .....	34
2. ....	35
Kur kafeja ftohet .....	36
Ujqërit shndërrohen në qengja .....	37
Si në kohërat e baladave .....	38
Nuk ndalej as valsi i lugëve .....	39
Druri i vjetër .....	40
Sa grotesk janë endacakët .....	41
Ecim zbathur rrugëve .....	42
<b>MBI SHPIRTIN E ERËS PAGANE .....</b>	<b>43</b>
Si mund të shkoj atje .....	45
Qante edhe nëna ime .....	46

Dielli .....	47
Një shi i ngrohtë .....	48
Mbi shpirtin e erës pagane .....	49
I mëkonte xixëllonjat .....	50
Edhe ti o shpend i zi .....	51
Nuk mundeni me na marr .....	52
Zërat e shthurura të erës .....	53
Kah udhët e paudha të detit .....	54
Nga ethet e frikës .....	55
Qëndroi si statuja e ngrirë .....	57
Ajo vet u shndërrua në erë .....	58
Mbi dyshekun e mjegullave .....	59
2. ....	60
Lindja e një Gjergji të Ri .....	61
2. ....	62
Bredhte ledheve të historisë .....	63
Shikimet e mia klandestin .....	64
Marr frymë si gjethet e njoma .....	65
Kanë mbetur edhe dy hapa .....	66
Zëri yt ai fyell magjik .....	68
Më prit ose shko ku të duash .....	69
Sytë e tua të gështenjtë .....	70
Trajta asnjansë të erës .....	71
Gratë e peshkatarëve .....	73
2. ....	74
3. ....	75
<b>Pesha e lotit .....</b>	<b>77</b>
Një hënë e pikëlluar .....	79
Sa është vështirë të jesh njeri .....	80
Në provim kurrë nuk rram .....	82
Vibrojnë si gjethet e fishkura .....	83
Vetëm njerëzit ndryshojnë .....	84

Nëse bëjë hapin e parë .....	85
Shtatë detet e botës .....	86
Por gjithsesi .....	87
Pesha e lotit .....	88
Po bien si perëndit e trilluar .....	89
Netët më nuk ishin net .....	90
Në veshin e shurdhër të kohës .....	91
Ecjet i kanë të shthurura .....	92
Avullojnë nga pak trishtim .....	93
Pikojnë kallkanët e murrme .....	94
Ndoshta një ditë .....	95

Katalogimi në botim – (CIP)

Biblioteka Kombëtare e Kosovës “Pjetër Bogdani”

821.18-1

Zaplluzha, Adem

Mbi shpirtin e erës pagane / Adem Zaplluzha. -  
Kastriot : Shtëpia Botuese “ Fahri Fazliu”, 2014. -  
110 f. ; 21 cm.

Shënime biografike për autorin : f. 97-106

**ISBN 978-9951-664-17-2**